

古本竹書紀年

朱右曾輯錄

王國維校補



本作品在全世界
都属于公有领域

目錄

| | |
|---------|-----|
| 五帝紀 | 四 |
| 夏紀 | 六 |
| 商紀 | 十六 |
| 周紀 | 二十五 |
| 晉紀 | 三十四 |
| 魏紀 | 五十一 |
| 附無年世可系者 | 六十九 |

五帝紀

昌意降居若水，產帝乾荒。《山海經·海內經》注。

帝王之崩曰陟。《韓昌黎集·黃陵廟碑》

國維案.. 此昌黎隱括本書之語，非原文如是。

黃帝既仙去，其臣有左徹者，削木為黃帝之像，帥諸侯朝奉之。《太平御覽》七十九引《抱朴子》曰..『汲郡中竹書』

云云。今《抱朴子》無此文。

黃帝死七年，其臣左徹乃立顓頊。《路史·後紀》六。

顓頊產伯鯨，是維若陽，居天穆之陽。《山海經·大荒西

經》注。

帝堯元年丙子。《隋書·律曆志》引，丙作景，避唐諱。《路

史·後記》十引，無帝字。

后稷放帝朱於丹水《山海經·海內南經》注。《史記·高祖本紀》正義引『后稷放帝子丹朱於丹水』。《五帝本紀》正義引『后稷放帝子丹朱』。

命咎陶作刑。《北堂書鈔》十七。

三苗將亡，天雨血，夏有冰，地坼及泉，青龍生於廟，日夜出，晝日不出。《通鑑外紀》一注引《隋巢子》、《汲冢紀年》。《路史·後紀》十二注云《紀年》、《墨子》言『龍生廣，夏冰，雨血，地坼及泉，日夜出，晝不見』，與《外紀》所引小異。

夏紀

禹

居陽城。《漢書·地理—志》注、《續漢書·郡國志》注。黃帝至禹，為世二十。《路史·發揮》三。

國維案.. 此亦羅長源隱括本書之語，非原文。

禹立四十五年。《太平御覽》八十二。

啟

啟曰會。《路史·後紀》十三『啟曰會』，注見《紀年》。

益幹啟位，啟殺之。《晉書·束皙傳》。《史通·疑古篇》《雜說篇》兩引『益為後啟所誅』。

九年，舞九韶。《路史·後紀》十三注引『啟登後九年舞九韶』。《大荒西經》注引『夏后開舞九招也』。

二十五年，征西河。《北堂書鈔》十三引『啟征西河』四字。
《路史·後紀》十三云『既征西河』，注：『《紀年》在二十五年。』

即位三十九年亡，年七十八。《真誥》十五。《路史·後紀》十三注引作『二十九年，年九十八』。

國維案：《太平御覽》八十二引《帝王世紀》『啟升後十年，舞九韶。二十五年，徵河西。』而《通鑑外紀》引皇甫謐曰：『啟在位十年。』則《世紀》不得有『啟三十五年』之文，疑本《紀年》而誤題《世紀》也。此與《真誥》所引『啟三十九年亡』符同。《路史》注既引《紀年》啟在位二十九年，故征西河亦云在二十五年矣。未知孰是。

大康

大康居斟鄩。

《水經·巨洋水注》、《漢書·地理志》注、

《史記·夏本紀》正義引傅瓚曰…『《汲冢古文》大康居斟鄩，羿亦居之，桀亦居之。』

乃失邦。《路史·後紀》十三注。

羿居斟鄩。《水經·巨洋水注》、《漢書·地理志》注、《史

記·夏本紀》正義。

仲康

相

后相即位，居商丘。《太平御覽》八十二。

國維案…《通鑑外紀》『相失國，居商丘』，蓋亦本《紀

年》。《通鑑地理通釋》四云…『商丘當作帝丘。』

元年，徵淮夷、畎夷。《後漢書·西羌傳》引『后相即位元年，

乃徵畎夷』。《太平御覽》八十二引『元年徵淮夷』。《路

史·後紀》十三『徵淮、畎』，注…『準夷、畎夷』，《紀

年》云元年。』

二年，徵風夷及黃夷。《太平御覽》八十二。《路史·後紀》

十三『二年徵風、黃夷』，注：『並《紀年》。』《後漢

書·東夷傳》注及《通鑑外紀》二均引『二年徵黃夷』。

七年，于夷來賓。《後漢書·東夷傳》注，《路史·後紀》十

三注。《通鑑外紀》二引『于』作『干』。

相居斟灌。《水經·巨洋水注》、《漢書·地理志》注、《路

史·後紀》十三引臣瓚所述《汲冢古文》。

少康

少康即位，方夷來賓。《後漢書·東夷傳》注。《路史·後

紀》十三注引此下有『獻其樂舞』四字，疑涉帝發時事而誤。

杼

帝宁宜居原，自原遷于老丘。《太平御覽》八十二、《路

史・後紀》十三注。《御覽》作『自遷于老丘』。《路史》注『宁』作『予』，『丘』作『王』。

柏杼子徵于東海，及三壽，得一狐九尾。《山海經・海外東經》注。《太平御覽》九百九引『夏伯杼子東征，獲狐九尾』。《路史・後紀》十三..『帝杼五歲，徵東海，伐三壽』，注..『本作王壽』，『《紀年》云..『夏伯杼子之東征，獲狐九尾。』又《國名紀》已云..『后杼征東海，伐王壽。』』

后芬即位，三年，九夷來禦。《後漢書・東夷傳》注、《太平御覽》七百八十、《通鑑外紀》二、《路史・後紀》十三。《御覽》『芬』作『方』，又此下有『曰畎夷、于夷、方夷、黃夷、白夷、赤夷、玄夷、風夷、陽夷』十九字，郝蘭皋曰..『疑本注文，誤入正文也。』

后芬立四十四年。《太平御覽》八十二、《路史·後紀》十三

注。

荒

后荒即位，元年，以玄珪賓于河，命九東狩于海，獲大鳥。

《北堂書鈔》八十九。《初學記》十三引『珪』作『璧』，

『鳥』作『魚』，無『命九東』三字。《太平御覽》八十二引

『荒』作『芒』，『鳥』作『魚』，無『命九』二字。國維案

『九』字下或奪『夷』字，疑謂后芬時來御之九夷。

后芒陟位，五十八年。《太平御覽》八十二。《路史·後紀》

十三注引作『后芒陟，年五十八』。

洩

后洩二十一年，命畎夷、白夷、赤夷、玄夷、風夷、陽夷。

《後漢書·東夷傳》注。《通鑑外紀》二引『帝洩二十一年如

畎夷等爵命』。《路史·後紀》十三注引下有『繇是服從』四字。

二十一年陟《路史·後紀》十三注。

不降

不降即位，六年，伐九苑。《太平御覽》八十二、《路史·

後紀》十三注。

六十九年，其弟立，是為帝局。《太平御覽》八十二。《路

史·後紀》十三注云…『《紀年》云六十九陟。』

局

厘

帝厘，一名胤甲。《太平御覽》八十二。

胤甲即位，居西河。《山海經·海外東經》注、《太平御覽》

八十二、《通鑑外紀》二。《開元占經》六引作『胤甲居西

河』，《御覽》四引作『胤甲居于河西』。

天有妖孽，十日並出，其年胤甲陟。《山海經·海外東經》注、《開元占經》六、《太平御覽》四及八十二引上二句。

《山海經》注無『天』字，《佔經》無『妖』『十』二字。

《通鑑外紀》二引『十日並出，其年胤甲陟。』《路史·後紀》十三..『胤甲在位四十歲，後居西河，天有妖孽，十日並照于東陽，其年胤甲陟。』注云..『以上《紀年》。』案《路史》此條或有增字。又《御覽》四引『十日並出』下有『又言本有十日，迭次而運照無窮』十三字，則恐是注文也。

孔甲

昊

后昊立三年。《太平御覽》八十二。
發

后發一名后敬，或曰發。《太平御覽》八十二。《路史·後紀》十三..『帝敬發，一曰惠。』注曰..『見《紀年》。』后發即位，元年，諸夷賓于王門再保庸會于上池，諸夷入舞。《北堂書鈔》八十二。《後漢書·東夷傳》注、《御覽》七百八十引均無『再保庸』以下七字，《通鑑外紀》二、《路史·後紀》十三引亦同。《外紀》末句作『獻其樂舞』乃改本書句，《路史》仍之。

其子立為桀。《太平御覽》八十二。

桀

居斟鄩。《水經·巨洋水注》、《漢書·地理志》注、《史記·夏本紀》正義。

畎夷入居豳岐之間。《後漢書·西羌傳》。案《西羌傳》三代事多本《汲冢紀年》，而語有增損。

后桀伐岷山，進女于桀二人，曰琬，曰琰。桀受二女，無子，刻其名于苕華之玉，苕是琬，華是琰，而棄其元妃于洛，曰末喜氏。末喜氏以與伊尹交，遂以間夏。《太平御覽》一百三十五。《藝文類聚》八十三引無末四句，《御覽》八十二引無末二句。『后桀伐岷山』，《御覽》八十二引作『後桀命扁伐山民，進女于桀二人』，《類聚》引作『岷山莊王女于桀二人』，《御覽》八十二引作『山民女于桀二人，桀受二女』，《御覽》八十二作『桀愛二人』。『琰』，《御覽》引皆作『玉』。『刻其名』，《類聚》及《御覽》八十二引皆作『斲其名』，《北堂書鈔》二十二亦引『斲苕華』三字。

築傾宮，飾瑤台。《文選·吳都賦》注。《文選·東京賦》注引作『夏桀作瓊宮、瑤台，殫百姓之財』，《太平御覽》八十二引『桀傾宮，飾瑤台，作瓊室，立玉門』。

夏桀末年，社圻裂，其年為湯所放。《太平御覽》八百八十。

《路史·後紀》十三注引『桀末年社震裂』六字。

湯遂滅夏，桀逃南巢氏。《太平御覽》八十二。

自禹至桀十七世，有王與無王，用歲四百七十一年。《太平御覽》八十二。《文選·六代論》注引『凡夏自禹至于桀十七王』十字，《史記·夏本紀》集解引末二句，《通鑑外紀》二引『四百七十一年』六字，《路史·後紀》十三注..『《紀年》並窮、寒四百七十二年。』

商紀

湯

湯有七名而九徵。《太平御覽》八十三。

外丙

外丙勝即位，居亳。《太平御覽》八十三。

仲壬

仲壬即位，居亳，命卿士伊尹。《春秋經傳集解·後序》。

《尚書·咸有一德》疏、《通鑑外紀》三引《紀年》，《太平御覽》八十三引杜《後序》，均作『其卿士伊尹』。

仲壬崩，伊尹放大甲于桐，乃自立。《春秋經傳集解·後序》。《尚書·咸有一德》疏、《通鑑外紀》三。《太平御覽》八十三引《汲冢瑣語》同，但無『于桐』二字，又『立下有『四年』二字。

大甲

伊尹即位，放大甲。七年，大甲潛出自桐，殺伊尹，乃立其子伊陟、伊奮，命復其父之田宅而中分之。《春秋經傳集

解·後序》、《尚書·咸有一德》疏、《通鑑外紀》三。《外紀》『放大甲』作『于大甲』。《文選·豪士賦序》注引『大

甲既出自桐殺伊尹』九字。十二年陟。《史記·魯世家》索隱

『《紀年》大甲惟得十二年。』

沃丁

沃丁絢即位，居亳。《太平御覽》八十三。

小庚

小庚辨即位，居亳。《太平御覽》八十三。

小甲

小中高即位，居亳。《太平御覽》八十三。

雍己

雍己侑即位，居亳。《太平御覽》八十三。

大戊

仲丁

仲丁即位，元年，自亳遷于囂。《太平御覽》八十三。

徵于藍夷。《後漢書·東夷傳》注、《太平御覽》七百八十。

外壬

外壬居囂。《太平御覽》八十三。

河亶甲

河亶甲整即位，自囂遷于相。《太平御覽》八十三。

徵藍夷，再徵班方。《太平御覽》八十三。

祖乙

祖乙滕即位，是為中宗，居庇。《太平御覽》八十三。《路

史·國名紀》丁引『滕』作『勝』。

祖辛

開甲

帝開甲逾即位，居庇。《太平御覽》八十三。

祖丁

祖丁即位，居庇。《太平御覽》八十三。

南庚

南庚更自庇遷于奄。《太平御覽》八十三、《路史·國名紀》

丁。

陽甲

陽甲即位，居奄。《太平御覽》八十三。

盤庚

盤庚旬自奄遷于北蒙，曰殷。《太平御覽》八十三。《水

經·洹水注》引無「旬」字，《史記·項羽本紀》索隱、《殷本紀》正義均引作「盤庚自奄遷于北蒙，曰殷虛」，《尚書·盤庚》疏引「盤庚自奄遷于殷」七字，《路史·國名紀》丁引「旬」下有「即位」二字。

殷代鄴南三十里。《尚書·盤庚》疏。《史記·項羽本紀》索

隱引作『南去鄴三十里』，《殷本紀》正義引作『南去鄴四十里』。

國維案.. 此七字乃注文。

自盤庚徙殷，至紂之滅，七百七十三年，更不徙都。《史

記·段本紀》正義。案『七百』朱輯本改作『二百』，又下有『紂時稍大其邑，南距朝歌，北據邯鄲及沙丘，皆為離宮別館』二十三字，蓋誤以張守節釋《史記》語為《紀年》本文也。國維案.. 此亦注文，或張守節隱括本書之語。

小辛

小辛頌即位，居殷。《太平御覽》八十三。

小乙

小乙斂居殷。《太平御覽》八十三。

武丁

祖庚

祖庚曜居殷。《太平御覽》八十三。

祖甲

帝祖甲載居殷。《太平御覽》八十三。

和甲西征，得一丹山。《山海經·大荒北經》注。

國維案..『和』『祖』二字形相近，今本《紀年》系之陽

甲，乃有陽甲名和之說矣。

馮辛

馮辛先居殷。《太平御覽》八十三。

庚丁

庚丁居殷。《太平御覽》八十三。

武乙

武乙即位居殷。《太平御覽》八十三。

三十四年，周王季歷來朝，王賜地三十里，玉十珏，馬八匹。
《太平御覽》八十三。

三十五年，周王季伐西落鬼戎，俘二十翟王。《後漢書·西羌傳》注。《通鑑外紀》二引『武乙三十五年周俘狄王』十字。
大丁

大丁二年，周人伐燕京之戎，周師大敗。《後漢書·西羌傳》注。《通鑑外紀》二『周人』作『周公季』。

三年，洹水一日三絕。《太平御覽》八十三。

四年，周人伐餘無之戎，克之，周王季命為殷牧師。《後漢書·西羌傳》注。《文選·典引》注引『武乙即位，周王季命為牧師』，與此異。

七年，周人伐始呼之戎，克之。《後漢書·西羌傳》注。
十一年，周人伐翳徒之戎，捷其三大夫。《後漢書·西羌

傳》注。

文丁殺季歷。《晉書·束皙傳》、《史通·疑古篇》《雜說篇》。《北堂書鈔》四十一引《紀年》云『文丁殺周王』云云。

帝乙

帝乙居殷。《太平御覽》八十三。

二年，周人伐商。《太平御覽》八十三。

帝辛

帝辛受居殷。《太平御覽》八十三。

六年，周文王初禴于畢。《通鑑前編》。《唐書·曆志》

『紂六祀，周文王初禴于畢』，雖不著所出，當本《紀年》。

畢西于豐三十里。《漢書·劉向傳》注。

國維案.. 此亦注文。

殷紂作瓊室，立玉門。《文選·東京賦》注及《吳都賦》注。

天大暄。《開元占經》一百一引『帝辛受時天大暄』。
湯滅夏，以至于受，二十九王，用歲四百九十六年。《史
記·殷本紀》集解。《文選·六代論》注引『殷自成湯滅夏，
以至于受，二十九王』十四字，《通鑑外紀》二引『二十九王，
四百九十六年』十字。

周紀

武王

十一年庚寅，周始伐商。《唐書·曆志》。

王率西夷諸侯伐殷，敗之于垺野。《水經·清水注》。

王親禽帝受辛于南單之台，遂分天之明。《水經·淇水注》。

《初學記》二十四引『周武王親禽受于南單之台』十一字。

武王年五十四。《路史·發揮》四。

成王

康王

康王六年，齊太公望卒。《太公呂望墓表》。

晉侯作宮而美，康王使讓之。《北堂書鈔》十八。

成康之世，天下安寧，刑措四十年不用。《文選·賢良詔》

注。《太平御覽》八十四引『十』下有『餘』字。

昭王

昭王十六年，伐楚荊，涉漢，遇大咒。《初學記》七。

十九年，天大暄，雉兔皆震，喪六師于漢。《初學記》七。

《開元占經》一百一、《太平御覽》九百七引無末句。

昭王末年，夜清，五色光貫紫微。其年王南巡不反。《太平

御覽》八百七十四。《路史·發揮》三注引『清』作『有』。

穆王

穆王元年，築祗宮于南鄭。《穆天子傳》注。

自周受命至穆王百年。《晉書·束皙傳》。

穆王以下都于西鄭。《漢書·地理志》注臣瓚曰云云，不言出

何書，然其下所云鄭桓公滅鄩居鄭事皆出《紀年》，則此亦宜然。

國維案.. 上二條皆束皙、臣瓚隱括本書之語。據第二條則

《紀年》穆王、共王、懿王元年，均當書『王即位居西

鄭』矣。

穆王所居鄭宮、春宮。《太平御覽》一百七十三。《初學記》

二十四引下四字。

北唐之君來見，以一騮馬，是生綠耳。《穆天子傳》注、

《史記·秦本紀》集解。『騮馬』集解引作『驪馬』。

穆王北征，行流沙千里，積羽千里。《山海經·大荒北經》注。《穆天子傳》注引『穆王北征，行積羽千里』九字。

西征犬戎，取其五王以東，王遂遷戎于太原。《穆天子傳》注引『取其五王以東』六字，《後漢書·西羌傳》…『王乃西征犬戎，獲其五王，王遂遷戎于太原。』考《西羌傳》前後文皆用《紀年》，此亦當隱括《紀年》語。

十三年，西征，至于青鳥之所憩。《藝文類聚》九十一。

《山海經·西次三經》注引『穆王西征，至于青鳥所解』十字。十七年，西征崑崙丘，見西王母，西王母止之曰…『有鳥粵人。』《穆天子傳》注。《藝文類聚》七引至『西王母止之』，《史記·周本紀》集解、《太平御覽》三十八引至『見西王母』，又二書『西征』下均有『至』字。

西王母來見，賓于昭宮。《山海經·西次三經》注、《穆天

子傳》注。《山海經》注引作『穆王五十七年』，然《穆傳》注引『其年來見』，其年即承上文十七年，則《山海經》注所引衍一『五』字。

三十七年，伐越，大起九師，東至于九江，叱鼃、鼃以為梁。

《文選·恨賦》注。『三十七年』，《文選·江賦》注、《藝文類聚》九、《初學記》七、《太平御覽》九百三十二、《通鑑外紀》三引同，《御覽》三百五、《路史·國名紀》已均引作『四十七年』，《廣韻》二十二元引作『十七年』，《御覽》七十三引作『七年伐越』，《北堂書鈔》一百十四引作『伐大越』，《類聚》九、《外紀》三引作『伐楚』，《御覽》三百五引作『伐紂』，《路史·國名紀》已作『伐紂』，『紂』乃『紂』之訛，『叱』，《類聚》、《初學記》均引作『比』，《書鈔》引作『駕』，《御覽》七十三及三百五均引作『架』。《文選·江賦》注引作『叱』，與此同。

穆王南征，君子為鶴，小人為飛鶚。敦煌唐寫本《修文殿御覽》殘卷。

穆王東征天下二億二千五百里，西征億有九萬里，南征億有七百三里，北征二億七里。《開元占經》四。《穆天子傳》注引『穆王西征還里天下億有九萬里』十三字。

共王

懿王

懿王元年，天再旦于鄭。《太平御覽》二、《事類賦注》一。《開元占經》三引『懿王元年天再啟』。

孝王

孝王七年，冬大雨雹，牛馬死，江、漢俱凍。《太平御覽》八百七十八引《史記》，案《史記》無此事，殆《紀年》文也。夷王

夷王二年，蜀人、呂人來獻瓊玉，賓于河，用介珪。《北堂書鈔》三十一、《太平御覽》八十四。

三年，王致諸侯，烹齊哀公于鼎。《太平御覽》八十四。

《史記·周本紀》正義引作『三年致諸侯，翦齊哀公昴』。

獵于桂林，得一犀牛。《太平御覽》八百九十。

命虢公率六師伐太原之戎，至于俞泉，獲馬千匹。《後漢

書·西羌傳》注見《紀年》。

七年，冬雨雹，大如礪。《初學記》二、《太平御覽》十四。

厲王

淮夷入寇，王命虢仲徵之，不克。《後漢書·東夷傳》。案

此條章懷太子注不云出《紀年》，然範史四裔傳三代事皆用

《史記》及《紀年》修之，此條不見《史記》，當出《紀年》也。

共伯和干王位。《史記·周本紀》索隱。《莊子·讓王篇》釋文引作『共伯和即于王位』。

共和十四年，大旱，火焚其屋，伯和篡位立，秋，又大旱。其年周厲王死，宣王立。《太平御覽》八百九十七引《史記》，然《史記》無此文，當出《紀年》。

宣王

四年，使秦仲伐西戎，為戎所殺。《後漢書·西羌傳》。

秦無歷數，周世陪臣，自秦仲之前，初無年世之紀。《廣弘明集》十一。

國維案.. 此亦注文。

王召秦仲子莊公，與兵七千人，伐戎破之。《後漢書·西羌傳》。

三十年，有兔舞鎬。《太平御覽》九百七。《初學記》二十九

引作『宣王三年有兔舞鎬』，《通鑑外紀》三作『三十年有兔舞于鎬京』。

三十一年，王師伐太原之戎，不克。《後漢書·西羌傳》。
三十三年，有馬化為狐。《開元占經》一百十九。《佔經》作『周靈王三十三年』，『宣』『靈』形相近，字之誤也。

《御覽》八百八十七、《廣韻》四十禍均引『周宣王時馬化為狐』，《御覽》九百九引『宣王時烏化為狐』、『烏』亦字誤。
三十六年，王伐條戎，奔戎，王師敗績。《後漢書·西羌傳》。

三十八年，晉人敗北戎于汾、隰。《後漢書·西羌傳》。
戎人滅姜侯之邑。《後漢書·西羌傳》。

三十九年，王徵申戎，破之。《後漢書·西羌傳》。

晉紀

殤叔

《春秋經傳集解·後序》..『《紀年》無諸國別，惟特記晉國，起自殤叔，次文侯、昭侯，以至曲沃莊伯，莊伯之十一年十一月，魯隱公之元年正月也，皆用夏正，建寅之月為歲首，編年相次，晉國滅，獨紀魏事。』案殤叔在位四年，其元年為周宣王四十四年，其四年為幽王元年，然則《竹書》以晉紀年，當自殤叔四年始。

文侯

元年，周幽王命伯士伐六濟之戎，軍敗，伯士死焉。《後漢書·西羌傳》。

二年，同惠王子多父伐鄆，克之，乃居鄭父之丘，名之曰鄭，

是曰桓公。《水經·洧水注》。案『同惠』疑『周厲』之訛。

又《漢書·地理志》注引臣瓚曰：『鄭桓公寄奴與財于虢、會之間，幽王既敗，二年而滅會，四年而滅虢，居于鄭公之丘，是以為鄭。』傳瓚親校《竹書》，其言又與《洧水注》所引

《紀年》略同，蓋亦本《紀年》。然臣瓚以伐郕為在幽王既敗二年，《水經注》以為晉文侯二年，未知孰是。

七年，幽王立褒姒之子伯服以為太子。《太平御覽》八十四。

《御覽》一百四十七引『幽王』下有『八年』二字，《左傳·昭二十六年》疏引『平王奔西申而立伯盤以為太子』，『服』作『盤』。

平王奔西申。《左傳·昭二十六年》疏。

九年，幽王十年，九月，桃杏實。《太平御覽》九百六十八。十年，伯盤與幽王俱死于戲。先是申侯、魯侯及許文公立平

王于申，幽王既死，而虢公翰又立王子餘臣于攜，周二王並立。《左傳·昭二十六年》疏。

自武王滅殷，以至幽王，凡二百五十七年。《史記·周本

紀》集解。《通鑑外紀》三引《汲冢紀年》『西周二百五十七年』。

二十一年，攜王為晉文公所殺。《左傳·昭二十六年》疏。

昭侯

孝侯

曲沃莊伯

晉莊伯元年，不雨雪。《太平御覽》八百七十九引《史記》，

案《史記》無此語，又不以莊伯紀元，當出《紀年》也。

二年，翟人伐翼，至于晉郊。《太平御覽》八百七十九引《史記》。

八年，無雲而雷。十月，莊伯以曲沃叛。《太平御覽》八百七十六引《史記》。

莊伯以曲沃叛，伐翼，公子萬救翼，荀叔軫追之，至于家谷。

《水經·澮水注》。《水經注》引此條不繫年，然首句與上條《御覽》所引《史記》同，知在是年，又足證《御覽》所引《史記》實《紀年》也。

十二年，翼侯焚曲沃之禾而還。作為文公。《水經·澮水注》。

魯隱公及鄭莊公盟于姑蔑。《春秋經傳集解·後序》。據《後序》在莊伯十二年正月。

武公

晉武公元年，尚一軍。芮人乘京，荀人、董伯皆叛。《水經·河水注》。

翼侯伐曲沃，大捷，武公請成于翼，至桐庭乃返。《水經·

涑水注》。

七年，芮伯萬之母芮姜逐萬，萬出奔魏。《水經·河水注》、

《路史·國名紀》戊。

八年，周師、虢師圍魏，取芮伯萬而東之。《水經·河水

注》、《路史·國名紀》戊。

九年，戎人逆芮伯萬于郊。《水經·河水注》、《路史·國

名紀》戊注引作『九年戎人逆之郊』。

十三年，楚及巴滅鄧。《路史·國名紀》戊引『桓王十七年』

云云。

二十三年，齊襄公滅紀、鄆、郛。《史記·秦始皇本紀》

正義。

二十九年，齊人殲于遂。《唐書·劉貺傳》。

武公滅荀，以賜大夫原氏黯，是為荀叔。《水經·汾水注》、

《漢書·地理志》注。《文選·北征賦》注引『荀』作『郇』，

『原氏黯』作『原點』。

獻公

獻公二年，周惠王居于鄭。鄭人入王府多取玉焉，玉化為蜮射人。《開元占經》一百二十、《太平御覽》九百五十。

十七年，衛懿公及赤翟戰于澤洞。《春秋經傳集解·後序》。

《後序》云『洞』當為『洞』。

鄭棄其師。《唐書·劉貺傳》。

十九年，獻公會虞師伐虢，滅下陽，虢公醜奔衛，公命瑕父、呂甥邑于虢都。《水經·河水注》、《路史·國名紀》戊注。

《春秋後序》引『晉獻公會虞師伐虢滅下陽』十一字，『下陽』《路史》注作『夏陽』。

二十一年，重耳出奔。《史通·疑古篇》。

二十五年正月，翟人伐晉。周有白兔舞于市。《水經·涑水

注》。

惠公

晉惠公二年，雨金。《太平御覽》八百七十七引《史記》。

秦穆公十二年。取靈丘。《古文苑》註一引王順伯《詛楚文跋》。

六年，秦穆公涉河伐晉。《太平御覽》八百七十七引《史

記》。

惠公見獲。《史通·疑古篇》。

十一月，隕石于宋五。《史通·惑經篇》。

十五年，秦穆公帥師送公子重耳，涉自河曲。《水經·河水注》。

圍令狐、桑泉、臼衰，皆降于秦師。狐毛與先軫禦秦，至于廬柳，乃謂秦穆公使公子繫來與師言，退舍，次于郇，盟于

軍。《水經·涑水注》。

文公

五年，周襄王會諸侯于河陽。《春秋經傳集解·後序》。

文公城荀。《漢書·地理志》注。《文選·北征賦》注引作

『郇』。

襄公

晉襄公六年，洛絕于「汧向」。《水經·洛水注》。

靈公

成公

景公

十一年，齊國佐來獻玉磬、紀公之甗。《春秋經傳集解·後

序》。

厲公

悼公

平公

昭公

晉昭公元年，河水赤于龍門三里。《水經·河水注》。

六年十二月，桃杏華。《太平御覽》九百六十八。

頃公

定公

晉定公六年，漢不見于天。《太平御覽》八百七十五。

十八年，青虹見。《太平御覽》十四。

淇絕于舊衛。《水經·淇水注》。

燕簡公卒，次孝公立。《史記·燕世家》索隱…『王邵案

《紀年》，簡公後次孝公，無獻公。』據《史記·十二諸侯年表》，簡公卒在是年。

二十年，洛絕于周。《水經·洛水注》。

二十五年，西山女子化為丈夫，與之妻，能生子。其年，鄭一女而生四十人。《開元占經》一百十三。

三十——年，城頓丘。《水經·淇水注》。

三十五年，宋殺其大夫皇瑗于丹水之上。《水經·獲水注》。

出公

晉出公五年，澮絕于梁。《水經·澮水注》。

丹水三日絕不流。《水經·沁水注》。

六年，齊、鄭伐衛。《水經·濟水注》。

荀瑤城宅陽。《水經·濟水注》。

宅陽一名北宅。《史記·穰侯列傳》正義。

國維案.. 此亦注文。

十年十一月，于粵子句踐卒，是為莢執，次鹿郢立。《史

記·越世家》索隱。

衛悼公卒于越。《史記·衛康叔世家》『悼公五年本』，索隱引《紀年》云…『四年卒于越。』據《左氏·哀二十六年傳》，悼公四年，當晉出公十年。

十二年，河絕于扈。《水經·河水注》。

十三年，智伯瑤城高粱。《水經·汾水注》。

十六年，于粵子鹿郢卒，次不壽立。《史記·越世家》索隱引《紀年》『鹿郢立六年卒』。

荀瑤伐中山，取窮魚之丘。《水經·巨馬水注》、《初學記》八、《太平御覽》六十四。

十九年，晉韓龐取盧氏城。《水經·洛水注》。

燕孝公卒，次成侯載立。《史記·燕世家》…『孝公十二年，韓、趙、魏滅智伯，十五年，孝公卒。』索隱曰…『《紀

年》智伯滅在成公三年。』又曰…『案《紀年》成侯名載。』今據此補。

二十二年，趙襄子、韓康子、魏桓子共殺智伯，盡併其地。
《史記·晉世家》…『哀公四年，趙襄子、韓康子、魏桓子共殺智伯，盡併其地。』索隱…『如《紀年》之說，乃出公二十二年事。』今據補。

二十三年，出公奔楚，乃立昭公之孫，是為敬公。《史記·晉世家》素隱。

敬公

三年，于粵子不壽立十年。見殺，是謂盲姑，次朱句立。

《史記·越世家》素隱。

六年，魏文侯初立。《史記·晉世家》素隱引『敬公十八年，魏文侯初立。』案《魏世家》素隱引《紀年》，文侯五十年卒，

武侯二十六年卒，由武侯卒年上推之，則文侯初立當在敬公六年，《索隱》作十八年，『十八』二字乃『六』字誤離為二也。十一年，田莊子卒。《史記·田敬仲世家》索隱引《紀年》『齊宣公十二年田莊子卒。』案宣公十二年當晉敬十一年。十二年，田悼子立。《史記·田敬仲世家》索隱。

燕成公十六年。卒，燕文公立。《史記·晉世家》索隱。

幽公

幽公三年，魯季孫會晉幽公于楚丘，取葭密，遂城之。《水經·濟水注》《太平寰宇記》曹州乘氏縣下引作『幽公十三年』。

七年，大旱，地長生鹽。《北堂書鈔》一百四十六。

九年，丹水出，相反擊。《水經·沁水注》。

十年九月，桃杏實。《太平御覽》九百六十八。

十二年，無雲而雷。《太平御覽》八百七十六引《史記》。

十四年，于粵子朱句二十四年。滅滕。《史記·越世家》索隱。

燕文公二十四年。卒，簡公立。《史記·燕世家》索隱。

十五年，于粵子朱句三十五年。滅郟，
《史記·越世家》索隱。

以郟子鳩歸。《水經·沂水注》。
《水經註》引作『晉烈公

四年，于越子朱句伐郟，以郟子鳩歸』，系年與《索隱》不合。

秦靈公卒。《史記·秦始皇本紀》『肅靈公』，索隱曰…

『《紀年》及《系本》無『肅』字，立十年。』

十七年，于粵子朱句三十七年。卒。《史記·越世家》索隱。

十八年，晉夫人秦嬴賊公于高寢之上。《史記·晉世家》索

隱。

烈公

晉烈公元年，趙簡子城泫氏。《水經·沁水注》。

韓武子都平陽。《水經·汾水注》。

三年，楚人伐我南鄙，至于上洛。《水經·丹水注》、《路史·國名紀》己。

四年，趙城平邑。《水經·河水注》、《初學記》八。

五年，田公子居思伐邯鄲，圍平邑。《水經·河水注》。

國維案.. 田居思即《戰國策》之田期思，《史記·田敬仲世家》之田臣思。（巨思之訛。）《水經·濟水注》引《紀年》作田期，《史記·田敬仲世家》引《紀年》謂之徐州子期。而據《濟水注》，『齊田期伐我東鄙』在惠成王十七年，距此凡五十三年，且此時三家尚未分晉，趙不得有邯鄲之稱，疑《河水注》所引『晉烈公五年』或有誤字也。

六年，秦簡公九年。卒，次敬公立。《史記·秦本紀》索隱。

九年，三晉命邑為諸侯。《史記·燕世家》索隱。

十年，齊田盼及邯鄲韓舉戰于平邑，邯鄲之師敗遁，獲韓舉，取平邑新城。《水經·河水注》。

十一年，田悼子卒，次田和立。

田布殺其大夫公孫孫，公孫會以廩丘叛于趙。田布圍廩丘，翟角、趙孔屑、韓師救廩丘，及田布戰于龍澤，田布敗遁。

《水經·瓠子水注》、《史記·田敬仲世家》索隱引『齊宣公五十一年，公孫會以廩丘叛于趙』十五字，『次田和立』四字亦據索隱補。

十二月，齊宣公薨。《史記·田敬仲世家》索隱。

十二年，王命韓景子、趙烈子、翟員伐齊，入長城。《水經·汶水注》。

景子名虔。《史記·韓世家》索隱。

國維案.. 此司馬貞據《紀年》為說，非原文。

十五年，魏文侯五十年。卒。《史記·魏世家》索隱。

十六年，齊康公五年。田侯午生。《史記·田敬仲世家》索隱。

十八年，秦敬公十二年。卒。乃立惠公。《史記·秦本紀》索隱。

二十二年，國大風，晝昏，自旦至中。明年，太子喜出奔。

《太平御覽》八百七十九引《史記》，今《史記》無此文，當出《紀年》。

國維案..《史記·晉世家》索隱引《紀年》，魏武侯以晉桓公十九年卒。以武侯卒年推之，則烈公當卒于是年。烈公既卒，明年太子喜出奔，立桓公，後二十年為三家所遷。是當時以桓公為未成君，故《紀年》用晉紀元蓋訖烈公。明年桓公元年，即魏武侯之八年，則以魏紀元矣。《御覽》引晉烈公二十二年，知《紀年》用晉紀元訖于烈公之卒。《史

記》索隱引魏武侯十一年、二十二年、二十三年、二十六年而無七年以前年數，知《紀年》以魏紀元自武侯八年後始矣。至《魏世家》索隱引武侯元年封公子緩，則惠成王元年之誤也。說見後。

魏紀

武侯

武侯十一年，城洛陽及安邑、王垣。《史記·魏世家》索隱。
宋悼公十八年。卒。《史記·宋世家》索隱。

十七年，于粵子翳三十三年。遷于吳。《史記·越世家》索隱。
十八年，齊康公二十二年。田侯郕立。《史記·田敬仲世家》索隱。

二十年于粵子翳三十六年。七月，于粵太子諸咎弑其君翳。十月，粵殺諸咎粵滑，吳人立子錯枝為君。《史記·越世

家》索隱。

二十一年，于粵大夫寺區定粵亂，立無餘之。《史記·越世家》索隱。

齊田午就其君及孺子喜而為公。《史記·田敬仲世家》索隱。

國維案..《史記·田敬仲世家》索隱..『《紀年》齊康

公五年田侯午生，二十二年田侯郯立，後十年齊田午弑其君及孺子喜而為公。』又據索隱引《紀年》，齊宣公薨與公孫會之叛同年。而據《水經·瓠子水注》引，則公孫會之叛在晉烈公十一年，宣公于是年卒，則康公元年當為晉烈公十二年，二十二年當為魏武侯十八年，此事又後十年，當為梁惠成王二年。然索隱又引梁惠王十三年當齊桓公十八年，後威

王始見，又案《魏世家》索隱引齊幽公之十八年而成王立，幽公或桓公之訛。則桓公即田午。十八年當惠成王十三年，其自立當在是年矣。年代參錯，未知孰是。

韓滅鄭，哀侯入于鄭。《史記·韓世家》索隱。

二十二年，晉桓公邑哀侯于鄭，韓山堅賊其君哀侯，而韓若山立。《史記·韓世家》索隱。《晉世家》索隱引『晉桓公十五年韓哀侯卒』。

趙敬侯卒。《史記·晉世家》索隱引『晉桓公十五年趙敬侯卒』。

二十六年，武侯卒。《史記·魏世家》索隱。

燕簡公四十五年。卒。《史記·燕世家》索隱。

梁惠成王

元年，韓共侯、趙成侯遷晉桓公于屯留。《水經·濁漳水

注》、《史記·晉世家》索隱。

晝晦。《開元占經》一百一。

封公子緩、趙侯種、韓懿侯伐我取蔡，而惠成王伐趙圍濁陽。

《史記·魏世家》..『初武侯卒也，子瑩與公中緩爭為太

子。』索隱引《紀年》曰..『武侯元年，封公子緩、趙侯種、

韓懿侯伐我取蔡，而惠成王伐趙圍濁陽，七年，公子緩如邯鄲以作難』云云。案武侯元年當作惠成王元年，據本文自明。

《水經·沁水注》引『梁惠成王元年，趙成侯偃、韓懿侯若伐我葵』，《路史·國名紀》已引同，惟『葵』作『郟』，索隱引作『蔡』，乃字之誤。

鄴師敗邯鄲之師于平陽。《水經·濁漳水注》。

二年，齊田壽帥師伐我，圍觀，觀降。《水經·河水注》。

魏大夫王錯出奔韓。《史記·魏世家》集解。

三年，鄭城邢丘。《水經·河水注》。

秦子向命為藍君。《水經·渭水注》。《太平寰宇記》雍州藍

田縣引『惠王命秦子向為藍田君』，《長安志》引作『梁惠成

王命太子向為藍田君』。

四年，河水赤于龍門三日。《水經·河水注》。

五年，公子景賈帥師伐鄭，韓明戰于陽，我師敗逋。《水

經·濟水注》。

六年四月甲寅，徙都于大櫟。《水經·渠水注》。《漢書·

高帝紀》注臣瓚曰…『《汲冢古文》惠王之六年自安邑遷于

大櫟。』《史記·魏世家》集解、《孟子》正義皆引『梁惠成

王九年四月甲寅徙都大櫟』。

于粵寺區弟思弑其君莽安，次無顛立。《史記·越世家》索

隱。

七年，公子緩如邯鄲以作難。《史記·魏世家》索隱。

雨碧于郢。《太平御覽》八百九、《廣韻》二十二昔、《路史·發揮》一注。

地忽長十丈有餘，高半尺。《太平御覽》八百八十。

八年，惠成王伐邯鄲，取列人，伐邯鄲，取肥。《水經·濁漳水注》。

雨黍于齊。《太平御覽》八百四十二引『惠成王八年雨黍』七字，又八百七十七引全文作《史記》。

雨骨于赤髀。《路史·發揮》一注。

齊桓公十一年。弑其君母。《史記·田敬仲世家》索隱。

九年，與邯鄲榆次、陽邑。《水經·洞渦水注》。

晉取泫氏。《太平御覽》一百六十三、《太平寰宇記》澤州高平縣條、《路史·國名紀》已注。

王會鄭厘侯于巫沙。《水經·濟水注》。

十年，入河水于甫田。又為大溝而引甫水。《水經·渠水注》。

瑕陽人自秦導岷山青衣水來歸。《水經·青衣水注》。

十一年，鄭厘侯使許息來致地，平丘、戶牖、首垣諸邑及鄭馳道。我取軹道，與鄭鹿。《水經·河水注》。

東周惠公傑薨。《史記·六國表》集解。

十二年，龍賈帥師築長城于西邊。《水經·濟水注》。

楚師出河水以水長垣之外。《水經·河水注》。

鄭取屯留、尚子、涅。《水經·濁漳水注》。《太平寰宇記》

潞州長子縣下引『鄭取屯留、長子』六字。

十三年，王及鄭厘侯盟于巫沙，以釋宅陽之圍，歸厘于鄭。

《水經·濟水注》。

齊威王立。《史記·魏世家》索隱引『齊幽公之十八年而威王立』，又《田敬仲世家》引『梁惠王十三年當齊桓公十八年，後威王始見』，今據補。

十四年，魯共侯、宋桓侯、衛成侯、鄭厘侯來朝。《史記·魏世家》索隱。

于魯子無顓八年。薨，是為莢躅卯。《史記·越世家》索隱。

十五年，魯共侯來朝。《史記·六國表》集解。

邯鄲成侯會燕成侯于安邑。《史記·六國表》集解。

遣將龍賈築陽池以備秦。《太平寰宇記》鄭州原武縣下。

鄭築長城自亥谷以南。《水經·濟水注》…『自亥谷以南，

鄭所城矣。《竹書》曰…梁惠成王十五年築也。』

十六年，秦公孫壯帥師伐鄭，圍焦城，不克。《水經·渠水注》。

秦公孫壯帥師城上枳、安陵、山氏。《水經·渠水注》。

邯鄲伐衛，取漆富丘，城之。《水經·濟水注》。

齊師及燕戰于洵水，齊師遁。《水經·鮑丘水注》。

邯鄲四噎，室壞多死。《開元占經》一百一引作周顯王四年。

十七年，宋景「善文」、衛公孫倉會齊師，圍我襄陵。《水

經·淮水注》。

齊田期伐我東鄙，戰于桂陽，我師敗遁。《水經·濟水注》。

《史記·孫子吳起列傳》索隱：『王劭案《紀年》梁惠王十

七年齊田忌敗我桂陵，與此文異。』又《田敬仲世家》『田臣

思』索隱：『《戰國策》作田期思』，《紀年》謂之徐州子

期。

東周與鄭高都、利。《水經·伊水注》。

鄭厘侯來朝中陽。《水經·渠水注》。

有一鶴三翔于郢市。敦煌唐寫本《修文殿御覽》殘卷。

十八年，王以韓師敗諸侯師于襄陵。《水經·淮水注》。

齊侯使楚景舍來求成。《水經·淮水注》。

王會齊、宋之圍。《水經·淮水注》。

趙敗魏桂陵。《史記·魏世家》索隱。

十九年，晉取玄武、濩澤。《水經·沁水注》。

二十年，齊築防以為長城。《水經·汶水注》。《史記·蘇

秦傳》正義引『齊』下有『湣王』二字。

二十四年，楚伐徐州。《史記·越世家》索隱。

二十五年，絳中地圯，西絕于汾。《水經·汾水注》。

二十六年，敗韓馬陵。《史記·魏世家》索隱。

二十七年十二月，齊田盼敗梁馬陵。《史記·孫子吳起列

傳》索隱。案《魏世家》索隱引『二十八年與齊田盼戰于馬

陵』，二十七年十二月在周正為二十八年二月，是《魏世家》索隱已改算為周正也。《田敬仲世家》索隱引『齊威王十四年田盼伐梁戰馬陵』，考《紀年》齊威王以梁惠王十三年立，至此正得十四年。

二十八年，穰苴帥師及鄭孔夜戰于梁赫，鄭師敗通逋。《水經·渠水注》。

二十九年五月，齊田盼及宋人伐我東鄙，圍平陽。《水經·泗水注》。《史記·魏世家》索隱引作『二十九年五月齊田盼伐我東鄙』。

九月，秦衛鞅伐我西鄙。《史記·魏世家》索隱。《商君列傳》索隱引無月。

十月，邯鄲伐我北鄙。《史記·魏世家》索隱。

王攻衛鞅，我師敗績。《史記·魏世家》索隱。

秦孝公會諸侯于逢澤。《史記·六國表》惠王二十九年秦孝公

二十年會諸侯于澤，徐廣曰…『《紀年》作逢澤。』《水經·渠水注》引徐說略同。

二十年城濟陽。《水經·濟水注》。

秦封衛鞅于鄆，故名曰商。《水經·濁漳水注》、《路史·

國名紀》己。《後漢書·光武帝紀》注引作『衛鞅封于鄆』。

三十一年三月，為大溝于北郭，以行圃田之水。《水經·渠水注》。

邳遷于薛，改名徐州。《水經·泗水注》。《史記·魯世家》

索隱引『梁惠王三十一年下邳遷于薛』，《孟嘗君列傳》正義

引『梁惠王三十年下邳遷于薛，改名徐州』，『三十』下奪

『一』字。

三十二年，與秦戰岸門。《史記·秦本紀》索隱。此年據《史

記·六國表》補。

三十六年。《春秋經傳集解·後序》…『惠王三十六年改元從一年始，至十六年而稱惠成王卒。』

一年。《春秋經傳集解·後序》。

二年，鄭昭侯武薨，次威侯立。《史記·韓世家》索隱。

九年，鄭威侯七年。與邯鄲圍襄陵。五月，梁惠王會威侯于巫沙。十月，鄭宣王朝梁。《史記·韓世家》索隱。

十年，齊田盼及邯鄲韓舉戰于平邑，邯鄲之師敗逋，獲韓舉，取平邑、新城。《水經·河水注》。

朱氏右曾曰…此事《水經註》引作晉烈公十年，索隱云《紀年》敗韓舉當韓威王八年，計相距七十八歲，不應有兩田盼、兩韓舉。考《趙世家》云…『肅侯二十三年，韓舉與齊、魏戰，死于桑丘。』肅侯元年當梁惠王二十二年，下逮後元十

年，為肅侯之二十五年，蓋《趙世家》誤『五』為『三』，
《水經註》誤『惠成後元十年』為『晉烈公十年』也。至《韓
世家》以韓舉為韓將，則更舛矣。

十一年，會韓威侯、齊威王于平阿。《史記·孟嘗君列傳》

『田嬰與韓昭侯、魏惠王會齊宣王東阿南，盟而去。』索隱

曰：『《紀年》當惠王之後元十一年，作平阿。但齊之威、
宣二王文舛互不同也。』案韓昭侯《紀年》亦當作韓威侯。

十三年，會齊威王于甄。《史記·孟嘗君列傳》索隱。

四月，齊威王封田嬰于薛。十月，齊城薛。《史記·孟嘗君

列傳》索隱。

嬰初封彭城。《史記·孟嘗君列傳》索隱。

國維案：此司馬貞據《紀年》為說，非本文。

十四年，薛子嬰來朝。《史記·孟嘗君列傳》索隱。

十五年，齊威王薨。

《史記·孟嘗君列傳》索隱。

十六年，惠成王卒。

《春秋經傳集解·後序》。

今王

四年，鄭侯使韓辰歸晉陽及向。二月，城陽、向，更名陽為

河雍，向為高平。《水經·濟水注》引無年，《史記·趙世

家》集解··『徐廣曰··《紀年》云魏襄王四年改河陽曰河雍，

向曰高平。』據此補。又《秦本紀》集解··『徐廣曰··《汲

冢紀年》云魏哀王二十四年改宜陽曰河雍，向曰高平。』案

《紀年》終於今王二十年，不得有二十四年，『二十』字衍。

碧陽君之諸禦產二龍。《開元占經》一百十三。

五年，燕子之殺公子平。《史記·燕世家》索隱。

齊人禽子之而醢其身。《史記·燕世家》集解。

趙立燕公子職。《史記·六國表》集解。《趙世家》··

『趙召燕公子職于韓，立以為燕王，使樂池送之。』集解..

『徐廣曰..《紀年》亦云爾。』

六年，秦取我焦。《路史·國名紀》己。

齊地暴長，長丈餘，高一尺。《太平御覽》八百八十引作周隱王二年。七年，韓明帥師伐襄丘。《水經·濟水注》。

秦王來見于蒲坂關。《水經·河水注》。

四月，越王使公孫隅來獻乘舟，始罔及舟三百，箭五百萬，犀角、象齒。《水經·河水注》。

齊宣王八年。殺其王后。《史記·田敬仲世家》索隱。

楚景翠圍雍氏。《史記·韓世家》集解。

秦助韓，共敗楚屈丐。《史記·韓世家》集解。

韓宣王卒。《史記·韓世家》集解。

齊、宋圍煮棗。《史記·韓世家》集解。

八年，翟章伐衛。《史記·魏世家》索隱。

秦楮里疾圍蒲不克，而秦惠王薨。《史記·樗裡子列傳》索隱。本不繫年，以秦惠王薨年考之列此。

九年，洛入成周，山水大出。《水經·洛水注》。

五月，張儀卒。《史記·韓世家》及《張儀傳》索隱。

楚庶章帥師來會我，次于襄丘。《水經·濟水注》。

十年十月，大霖雨，疾風，河水溢酸棗郭。《水經·濟水注》。

十二年，秦公孫爰帥師伐我，圍皮氏，翟章帥師救皮氏圍，疾西風。《水經·汾水注》。

十三年，城皮氏。《水經·汾水注》。

十四年，秦內亂，殺其太后及公子雍、公子壯。《史記·穰侯傳》索隱。

十六年，秦拔我蒲坂、

晉陽、封谷。《史記·魏世家》『哀王十六年，秦拔我蒲坂、

陽晉、封陵。』索隱曰…『《紀年》作晉陽、封谷。』

十七年，邯鄲命吏大夫奴遷于九原，又命將軍、大夫、適子、戍吏皆貉服。《水經·河水注》。

十九年，薛侯來，會王于釜丘。《水經·濟水注》。

楚入雍氏，楚人敗。《史記·韓世家》集解。

二十年。《春秋經傳集解·後序》…『今王終二十年。』

附 無年世可系者

洛伯用與河伯馮夷鬥。

《水經·洛水注》。

殷王子亥賓于有易而淫焉，有易之君綿臣殺而放之，故殷主甲微假帥于河伯以伐有易，滅之，遂殺其君綿臣。

《山海經·

大荒東經》注。

河伯僕牛。

《山海經·大荒東經》注

••

『河伯、僕牛

皆人姓名，見《紀年》』。

不窋之冑孫。

《爾雅·釋親》注。

應。《水經·湍水注》、《漢書·地理志》注引臣瓚曰…

『《汲冢古文》殷時已有應國。』

留昆。《穆天子傳》注…『留昆國見《紀年》。』

盟于大室。《北堂書鈔》二十二。

執我行人。《史通·惑經篇》。

楚共王會宋平公于湖陽。《水經·泚水注》。

宋大水，丹水壅不流。《水經·獲水注》。

子南彌牟。《史記·周本紀》集解、《水經·汝水注》、

《漢書·武帝紀》注皆引臣瓚曰…『《汲冢古文》謂衛將軍

『文子為子南彌牟。』

子南勁朝于衛，後惠成王如衛，命子南

為侯。《史記·周本紀》集解、《水經·汝水注》、《漢

書·武帝紀》注。

梁惠王廢逢忌之藪以賜民。《左傳·哀十一

年》疏。《漢書·地理志》注引『廢』作『發』。

齊師逐鄭太子齒奔張城、南鄭。《水經·涑

水注》。

秦師伐鄭，次于懷城、殷。《水經·沁水注》、

《路史·國名紀》丁。《太平寰宇記》懷州下引『秦師伐鄭，

至于懷、殷』。

宋桓侯璧兵。

《史記·宋世家》『闕公闕兵』，索隱

曰…『《紀年》作桓侯璧兵。』

宋剔成肝廢其君璧而自立。

《史記·宋世家》

索隱。

紡子。

《太平寰宇記》趙州高邑縣下『《史記》云、趙敬肅

侯救燕，燕與中山公戰于房子，惠文王四年城之，是也，《竹書

紀年》作紡子。』

衛孝襄侯。

《史記·衛康叔世家》索隱…『樂資據

《紀年》以嗣君即孝襄侯。』

魏殷臣、趙公孫哀伐燕，還取夏屋，城

曲逆。《水經·滹水注》。

燕人伐趙，圍濁鹿，趙武靈王及代人救

濁鹿，敗燕師于勺梁。《水經·滹水注》。

壬寅，孫何侵楚，入三戶邦郛。《水經·丹

水注》。

孫何取陽。《水經·潁水注》。

楚吾得帥師及秦伐鄭，取綸氏。《水經·伊

水注》、《後漢書·黃瓊傳》注、《路史·後紀》十三。

秦胡蘇帥師伐鄭，韓襄敗秦胡蘇于酸水。

《水經·濟水注》。

翟章救鄭，次子南屈。

《水經·河水注》、《漢

書·地理志》注。

魏章帥師及鄭師伐楚，取上蔡。

《水經·汝

水注》。

齊師伐趙東鄙，圍中牟。

《水經·渠水注》、

《左傳·定九年》疏。

救山寨，集胥口。

《史記·蘇秦傳》集解。